


Bibbia par putei

Presenta



Sielo, la
bea casa
de Dio



Scritto da: Edward Hughes

Illustrà da: Lazarus
Alastair Paterson

Adatà da: Sarah S.

Tradoto da: Tiberio Bardelle


Prodoto da: Bible for Children
www.M1914.org

©2023 Bible for Children, Inc.

Licenza: A te ga el diritto de copiare o de stanpare sta storia,
basta che non te la vendi.



Cuando che Gesù el ga visù sula tera el ga contà ai so disepoi del Sielo. La ciamava "La casa de me pare", el ga dito che li a ghe jera on mucio de posti. Na vila granda, na beisima casa. El paradiso el xe pi granda e pi beo de qualsiasi casa sua tera.



Gesù el ga dito: "A vago a pareciare on posto par voaltri. E se vago a pareciare on posto par voaltri po a vegno indrio e a ve porto co mi." Gesù el xe 'ndà in Sielo dopo che el xe nasesto dai morti.

Dominti che i so disepoi i lo vardava, Gesù el xe sta ciapà da


na nuvoa e

nesuno


lo ga

pi

visto.




Da lora i cristiani i se ga ricordà la promessa de Gesù de tornar indrio a torli. Gesù el ga dito che el sarìa vegnù al inprovviso, cuando che nesiuno se lo sarìa spetà. E che cosa dire dii cristian che more prima che Lu el torna indrio? La Bibia la dise che i 'ndarà driti a star con Gesù. Anca se no te ga el to corpo a te sarà lo steso col Signor.



INSIEME AL
SIGNOR



L'apocaise, el ultimo libro dela Biblia, el ne dise quanto ca sia maravajoso el Sielo. La roba pi bea la xe che, in on modo proprio speciae, el cielo el xe la casa de Dio. Dio el xe da par tuto, ma el so trono el xe in Sielo.



Angei e altri esari ceesti i adora
Dio in Sielo. Cusi come che tuto
el popoo de Dio che el xe morto
e 'ndà in paradiso. I canta
canson speciai de lode a Dio.




Eco dele paroe de na canson che i canta: A SI
DEGNI PARCHE' A NE GAVI' REDENTI A DIO
COL VOSTRO SANGUE DA
OGNI TRIBU' E NASION
E A GAVI' FATO DE
NOANTRI RE E
PRETI AL
NOSTRO
DIO.
(Rev 5:9)




Le ultime pagine dela Bibia le ne conta el Sielo come "La Nova Gerusaeme". La xe granda, tanto granda, con on muro alto de fora. El muro el xe de piera, chiaro come el cristao. Gioiei e piere presiose i cuerxe e fondamente del muro, s-ciantisi de coori maravejosi.


Ogniuna dele porte dela sità la xe fata de na unica granda perla.



Cuee grande porte de perla non le xe mai sta sarà.
'Ndemo a darghe un'ociàin giro... wow! El paradiso el
xe oncora pi beo in dentro. La sità la xe fata de oro
puro, la pare de vero trasparente. Anca la strada la
xe fata de oro.



On canal beo e ciaro de acua de la vita el vien so dal trono de Dio. Da tute do le parte del canal a ghe xe l'albore dela vita, che el jera sta catà par la prima volta nel Giardin del'Eden. Sto albore el xe propio speciae. El ga dodese tipi de fruta diversi e ogni mese el ghe na uno diverso. Le foje del'albero dela vita le serve a guarire le nasion.



El sielo no ga bisogno del sole o dela luna par
aver la luse. La gloria de Dio la inpenise de
luse maravajosa. La a non ghe mai note.



Anche le bestie in sielo le xe diverse. Le xe tute bestie bone e amiche. Lupi e agnei i magna l'erba insenbrà. Anca i leon forti i magna la Paja come el bò. El Signore el dise: "No i ferirà e no i desfarà gniente in tuta la me montagna santa".



Fin che se vardemo
torno, a se incorsemo
che a manca dele robe
in Sielo. A no se sente
mai parlar de rabia.
Nisiun el conbate o el
xe egoista. A no ghe
xe seradure sule
porte, parchè in
paradiso a no ghe xe
ladri. A no ghe xe
buxiari, sasini, strioni
o altri omani cativi. A
no ghe xe nesun tipo
de peccato in Sielo.



In Sielo co Dio a no
ghe xe pi lagreme.
Dele volte, el popoo
de Dio el pianse par i
gran doori de sta vita.
In Sielo, Dio el cancea
via tute le lagrame.



A no ghe xe morte in Sielo. El popoo de dio el sarà senpre col Signore. A no ghe xe pi doore, gniente pianti. Gniente malatie, gniente morti, gniente funerali. Tuti in Sielo i xe feisi par senpre co Dio.



Mejo de tuti, el Sielo el xe pa i tosi e le tose (ma anca i grandi) che i ga credesto in Gesù Cristo come che el fuse el so Salvador e i ga butà a mente come so Signor. In Heaven a ghe xe on libro che se ciama: El libro de la vita del'agneo.

El xe pien de nomi de aneme.

Sato de chi che i xe tuti sti nomi scriti?

Tuti quanti quei che i gaveva fiducia so Gesù.

El to nome ghe xeo?



E ultime paroe dela Bibia sol Sielo le xe on invito maravejoso. "E el Spirito e la Sposa i dise: 'Vien!' E chi ca sente el diga 'Vien!' E chi che a ga sen el vegna. E tuti cuei che voe, che i se toga, despegnà, l'acqua dela vita."



Sielo, la bea casa de Dio


'Na storia de la Parola de Dio, ea Bibia

la se cata in

Giovani 14; 2 Corinsi 5;
Rivelasion 4, 21, 22

"Scoltare le paroe a ne da la luce."
Salmo 119:130





Ea fine

60

60



Sta storia dela Bibia la ne conta del nostro maravejoso Dio che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama peccato. La punision par el peccato la xe la morte, ma Dio el te voe cusì tanto ben che che el ga mandà el so unico fiolo, *Gesù*, a morir so na crose e a esar punìo par i to peccati. *Gesù* el xe tornà in vita par po andar a casa soa in Paradiso! Se a te ghe credi in *Gesù* e a te ghe domandi de perdonar i to peccati, Lu a lo farà. Lu el vegnarà a vivar in noaltri adeso e noaltri a vivaremo con Lu par senpre.

Sa te credi che questa la sia la verità, dighe questo a Dio:

Caro *Gesù*, mi a credo che Ti a te si Dio, e che a te si diventà on omo par morir par i me peccati, e deso a te vivi da novo. Par piaser, vieni nela me vita e perdona i me peccati, in modo che mi a posa aver na nova vita adeso, e un di a vegnarò a star co ti par senpre. Iutame a butarte a mente e a vivar par ti come ca fuse to fiol. Amen.

Lesi la Bibia e parla co Dio tuti i di! *Giovani 3:16*

